

ՄԱՐԻԱՆՆԱ ԱՊՐԵՍՅԱՆ

ՍՈՒՐԲ ԹԵՈԴՈՐԱՅԻ ՎԱՐՔԻ ՆԱՅԿԱԿԱՆ
ԵՒ ՆՈՒՆԱԿԱՆ ՆԱՅՍՄԱՎՈՒՐՔԱՅԻՆ ԲՆԱԳՐԵՐԸ
ԵՒ ԴՐԱՆՑ ԱՌԱՋՆԱՆՏԱՏԿՈՒԹՅՈՒՆՆԵՐԸ

Նախքան հայկական և հունական հայտնավորքային բնագրերի ուսումնասիրությանն անցնելը, նյութի հստակ պարկերացման համար համառոտ կներկայացնենք սուրբ Թեոդորա Աղեքսանդրացու վարքը:

Սուրբ Թեոդորա Աղեքսանդրացու հիշատակը Նայոց Նայտնավորքներում դրված է սեպտեմբերի 11-ին:

Սուրբ Թեոդորան Աղեքսանդրիա քաղաքից էր և ապրում էր Ջենոն կայսեր գահակալության տարիներին՝ 472 կամ 474 թվականներին: Նա ամուսնացած էր մի հարուստ, պարվավոր և օրինապաշար մարդու հետ, և նրանց ընտանիքը քրիստոնյային վայել առաքինի կյանք էր վարում: Սակայն որոշ ժամանակ անց սատրանի ինչոր մեծահարուստ երիտասարդի՝ իշխանագնի, միջոցով փորձություններով ու խոչընդոտներով լի որոգայթ է լարում Թեոդորայի դեմ: Երիտասարդը հույժ սիրահարված լինելով Թեոդորայի չքնաղ արտաքինին՝ փրավում է նրանով և ցանկանում փրանալ նրան: Իր նպատակին հասնելու համար նա դիմում է կախարդ կնոջ օգնության, որը գործի դնելով իր սատրանայական հնարքները՝ Թեոդորայի սրտում բուռն կիրք է առաջացնում և նրան մղում շնության:

Մեղանկեցուց հետո Թեոդորան գիտակցում է իր մեղքը և շատ զոջում: Երբ նա վերադառնում է տուն, որոշում է ամուսնուց զաղարնի մենաստան փախչել, բայց որպեսզի ամուսինն իրեն չգտնի, նա փղամարդու զգեստներ է հագնում, հանում կանացի արդուզարդը, սավորում գլուխը և հեռանում դեպի Ութուրասնեկի վանք:

Այդպիսով սուրբն անհետանում է տանից և որպես փղամարդ ընդունվում վանականների կողմից՝ ներկայանալով Թեոդորոս անվամբ: Առաջին ութ տարիները Թեոդորան այնպեղ անցկացնում է ծանր աշխատանքներով, ծնրադրումներով, աղոթքներով և խիստ պահեցողությամբ:

Ութ տարի անց սատրանի դարձյալ փորձության է ենթարկում նրան, այս անգամ գրպարության միջոցով, համաձայն որի, իբրև թե Թեոդորան շնացել է մի կնոջ հետ, և այդ կապից երեխա է ծնվել: Չցանկանալով վանականներին բացահայտել իր կանացի էությունը՝ Թեոդորան ընդունում է իր մեղքը և վանահոր հրամանով երեխայի հետ միասին արտաքսվում վանքից: Յոթ տարի սուրբը ծանր տառապանքներով ու դժվարություններով հոգ է տանում երեխայի մասին՝ նրան սնելով ոչխարի կաթով: Այնուհետև վանական եղբայրները փնտրելով նրա սրբակենցաղ վարքը՝ խնդրում են վանահորը, որպեսզի Թեոդորային կրկին վանք ընդունի, որպեղ էլ մի քանի տարի անց սուրբը խաղաղության մեջ ավանդեց հոգին Տիրոջը: Երբ վանականները փնտրեկացան նրա մահվան մասին և նրա

աճյունը հուղարկավորության պարբերական, հայրնաբերեցին նրա կին լինելու փաստը և հասկացան, որ այդքան փարիներ զուր փեղը զրպարել է նրան:

Շնորհիվ սուրբ Թեոդորայի խիստ պահեցողության և ապաշխարության, Աստված նրան շնորհել է բժշկելու և հրաշագործելու գործությամբ:

Հայկական բնագիրը հունականի հետ համեմատելու համար որպես հիմք ունեցել ենք Հայոց Հայսմավուրքների չորս խմբագրությունները՝ Նովսևի Կոստանդնուպոլսեցու թարգմանությունը 973¹, Տեր-Իսրայելի² (ԺԲ դ.), Գրիգոր Անավարզեցու³ (ԺԳ դ.) և Գրիգոր Ծերենցի (ԺԴ դ.): Ինչ վերաբերում է հունական բնագրերին, ապա օգտվել ենք Վասիլիոս թագավորի⁴, Կոստանդնուպոլսի⁵ և Մաքսիմոս Մարգունիոսի հայսմավուրքներից⁶:

Նախ նշենք, որ հայկական տեքստերից միայն Գրիգոր Ծերենցի խմբագրության մեջ է, որ սկզբում չի նշվում սուրբ Թեոդորայի ամուսնացած կին լինելու մասին, որը խաբվեց մեկ այլ հարուստ երիտասարդի՝ իշխանի որդու կողմից: Թեոդորայի առաքինի և օրինապաշար քրիստոնյա ամուսնու անունը նշված է միայն Կոստանդնուպոլսի Հայսմավուրքում՝ Պաֆնուտիոս: Գրիգոր Ծերենցը պարզապես գրում է, որ նա գեղեցիկ տեսքով կին էր, ի տարբերություն որի հայկական մյուս բոլոր խմբագրություններում կարճ նշվում է՝ «էր առն կին»:

Նովսևի Կ. Պոլսեցու խմբագրությունում այս վարքը բավական ծավալուն է (մենք պայմանականորեն բաժանել ենք 45 պարբերություններ): Վարքի այս խմբագրությունը նույնությամբ վերցրել են Նովսևի Կ. Պոլսեցուց Կիլիկյան բոլոր Հայսմավուրքները, ինչպես նաև Տեր-Իսրայելը: Գրիգոր Ծերենցի խմբագրությունը նույնպես ունի Սուրբ Թեոդորայի, բայց ավելի համառոր (34 պարբերություն): Այսպես թացի Սուրբ Թեոդորայի վարքի համեմատաբար հակիրճ նկարագրությունից, պակասում են նաև նրա կապարած հրաշքների մասին փոքրիկ պատմությունները, նրա խստակյաց պահեցողության և ճգնակեցական վարքի մասին հարվածները և սատանայի կողմից նրան հասցված փորձություններն ու տանջանքները:

Ինչ վերաբերում է հունական հայսմավուրքային բնագրերին, ապա դրանք հայկական բնագրերի համեմատությամբ չափազանց հակիրճ են շարադրված, իսկ ավելի կոնկրետ Վասիլիոսի (Ժ դար) բնագիրը բաղկացած է 7 պարբերությունից, Կ. Պոլսի (Synaxarium Eccl. Constantinopolitanae Ժ դար)⁷ 9, իսկ Մաքսիմոս Մարգունիոսի բնագիրը (ԺԴ դար)⁸ 11:

Հունական երեք բնագրերը փայլա են սուրբ Թեոդորայի վարքի ընդհանուր նկարագիրը: Վասիլիոս կայսեր Հայսմավուրքում խոսվում է, որ նա ապրել է Զենոն կայսեր

1 Վիննա, 1048, էջ 19բ -24ա:

2 Վենեթիկ, 631, էջ 356բ -362ա:

3 Վենեթիկ, 710, էջ 33ա -37ա:

4 **J. - P. Migne**, Ελληνική Πατρολογία, Menologium Graecorum Basilii Porphyrogeniti Imperatoris Jussu Editum, Μήνι Σεπτεμβρίου, том. 117, Αθήναι, 2005, էջ 44.

5 H. Delehaye, Synaxarium Eccl. Constantinopolitanae, Bruxellis, 1902, էջ 33-35.

6 **Μαργούνιος Μάξιμος**, Επίσκ. Κυθήρων, Βίοι αγίων εκ της ελληνικής γλώττης ήτοι εκ των συναγαρίων μεταφρασθέντες, Βενετία, 1621.

օրոք, հեկո մեղանջել է, ապաշխարել, հագել փղամարդու զգեստներ և գնացել արանց վանք: Այնուհետև ասում է, որ սափանայի կողմից կրել է բազում փորձություններ և պայքարել դրանց դեմ: Նկո կապարել է հրաշքներ և մահացել:

Միայն Synaxarium Eccl. Constantinopolitanae-ի բնագրում է նշվում, որ սուրբ Թեոդորայի ամուսնու անունը Պափնուփոս է: Ավելին, այսպեղ խոսվում է նաև նրա ճգնության, ծոմապահության, ինչպես նաև զրպարության մասին, որի պարճառով նրան նորածին մանկան հեկո վնդեցին վանքից:

Մաքսիմոս Մարգունիոսի բնագրում այս դեպքերը, մյուս երկու բնագրերի համեմար, նկարագրվում են ավելի մանրամասն և ավելի հասկանալի լեզվով:

Ելնելով այն փաստից, որ վերը նշված բնության առարկա երեք հունական բնագրերում սուրբ Թեոդորայի վարքի մասին նյութը չափազանց համառոր է, կփորձենք պարզել, թե ինչ աղբյուրներից են օգտվել հայկական հայսմավուրքային հեղինակները՝ այս վարքի հակիրճ քննություններն ավելի ընդարձակ և նոր նյութերով լրացնելով: Այդ նպատակով օգտագործել ենք Նովսեփ Կ. Պոլսեցու ժամանակակից Սիմեոն Մեքափրասպեսի՝ սուրբ Թեոդորայի վարքի ընդարձակ նկարագրությունը⁷, որ բովանդակային առումով շատ նման է Նովսեփ Կ. Պոլսեցու բնագրին, սակայն ավելի ընդարձակ է:

Պարզելու համար, թե արդյո՞ք Նովսեփ Կ. Պոլսեցու բնագիրը ընդօրինակությունն է Սիմեոն Մեքափրասպեսի բնագրի, կարարել ենք երկու քննարկի մանրամասն համեմատություն, որի արդյունքում աչքի են զարնվել հայկական բնագրում որոշակի քարքերություններ, առկա են հավելյալ փոքրիկ պարբերություններ, որոնք չունի հույն հեղինակը:

ՆՈՒՆԱԿԱՆ ԲՆԱԳՐՈՒՄ ՊԱԿԱՍՈՂ ՆԱՏՎԱԾՆԵՐ

ա) Երբ սուրբ Թեոդորան մեղանջում է և գիպակցում իր կապարած մեղքը, նա զոջում է և վերջնականապես որոշում հրաժարվել աշխարհիկ կյանքից՝ նվիրվելով ճգնակեցական կյանքին: Սակայն ամուսնու հերագա որոնումներից խուսափելու համար, նա որոշում է արական վանք գնալ և կերպարանափոխվելով՝ փղամարդու զգեստներ է հագնում: Այս հարվածի նկարագրության մեջ ի քարքերություն Մեքափրասպեսի բնագրի, Նովսեփ Կ. Պոլսեցին (Ծերենցը ևս) ունի հերելյալ քողերը՝ «**Եւ յարուցեալ գնաց ի քուն և գերծեաց զգլուխն իւր առնարար, և մերկացաւ զկանացի զսգեստն: Եւ գոսկին հանեալ ի բազկաց իւրոց և ի պարանոցէն և յականջացն**»:

բ) Մեքափրասպեսը չունի նաև մի հարված, որը շարունակությունն է այն նկարագրության, թե երբ Թեոդորան հասնում է Ութուրասնեկի վանք և դուրը բախելով խնդրում վանականներին իրեն ներս թողել, վանականները նրան փորձության ենթարկելով՝ ողջ գիշեր թողնում են դրսում, մրաժելով, որ եթե չվախենա գազաններից և միջնա լույս

⁷ J. P. Migne, Ελληνική Πατρολογία, τ. 115, Αθήναι 1994, էջ 665-689.

դիմանա փորձությանը, դրանից հետո նրան ներս կընդունեն: Այս հասկացածից հետո Նովսեփ Կ. Պոլսեցին ունի նաև հետևյալ նախադասությունը՝ «**Եւ ի գիշերին յայնմիկ երթնալ գազանացն մինչեւ ի դուռն եւ յորժամ րեսանէին զնա, փախչէին**»:

գ) Նաջորդ հասկացածը, որ պակասում է հունական բնագրում, հետևյալն է՝ «**Եւ այնպես ճգնութեամբ կապարեաց զաղաթսն: Եւ այնպէս կացնալ զուրթ ամ**»: Այս հասկացածը զերեղված է նրան վանահոր կողմից ընդունելուց հետո, այսինքն Թեոդորան ընդունվում է վանք, ապա ութ փարի ճգնում այնքան էլ որան հետևող շարունակությունը, որ վերաբերում է նրա ամուսնու որոնմունքներին, փաստորեն րեղի է ունենում սուրբի անհետացումից ութ փարի անց:

ՆՈՒՅՆ ՊԱՏՄՈՒԹՅԱՆ ՏԱՐԲԵՐ ՇԱՐԱԴՐՈՒՄԸ ՆԱՅԿԱԿԱՆ ԵՒ ՆՈՒՆԱԿԱՆ ԲՆԱԳՐԵՐՈՒՄ

ա) Ինչպես նշեցինք Նոսեփ Կ. Պոլսեցու և Սիմեոն Մեքափրասպեսի բնագրերում գոյություն ունեն հերաբրքի փարբերություններ, որոնցից առաջինին հանդիպում ենք սուրբ Թեոդորայի ծոմապահության մասին պատմող հասկացածում, որը բացակայում է Գրիգոր Ծերենցի մոտ: Այսպիսով, ըստ Նովսեփ Կ. Պոլսեցու՝ «**Եւ սկսաւ պահել երկուս-երկուս աուրս եւ ապա ճաշակէր, եւ զճառաութիւնն անպակաս կապարէր: Եւ յեւր փարոյ միոյ յաւել ի պահս եւ ի չորս աուրն միայն ճաշակէր, եւ յեւր միս եւս փարոյ զվեց աւր շարաթոյն պահէր: Եւ ապա զգեցաւ մագեղէնս մերկ ընդ անձինն եւ ի վերայ պարեգաւր**»: Նույն հասկացածն ըստ Մեքափրասպեսի՝ սկզբում նա օրը մեկ անգամ էր ուրում, իսկ հետո՝ երկու օրը մեկ անգամ: Այնուհետև նա վանականների միջնորդությամբ վանահորից թույլարվություն է ստանում շաբաթ մեկ անգամ ուրելու համար, և քանի որ նա ստանում է այդ թույլարվությունը, նաև երկրորդ խնդրանք է ուղղում նրան՝ մերկ մարմնին մագեղեն քորձ հագնելու⁸: Նույն այս մասին որոշակի հավելմամբ հունական «Ο Μέγας Συναξαριστής της Ορθόδοξου Εκκλησίας»⁹ ում, որ մեծմասամբ ազդված է Սիմեոն Մեքափրասպեսից, կարդում ենք, թե սուրբ Թեոդորան օրը մեկ անգամ հաց ու ջուր էր ուրում՝ «Και πρτον τρωγε μίαν φορὰν τὴν ἡμέραν ἄρτον Καί ὕδωρ»:

բ) Չափազանց հերաբրքի է նաև սուրբ Թեոդորայի կապարած հրաշքների մասին պատմող հասկացածներում (ի դեպ Ծերենցը մոտ հրաշքների հասկացածը եւս չունի) առկա փարբերությունները:

Առաջին հրաշքը վերաբերում է Թեոդորայի՝ մարդակեր կոկորդիլոսին աղոթքով սպանման մասին: Նոսեփ Կ. Պոլսեցին հակիրճ պատմում է՝ «զի զմարդասպան կոկորդիլոսն աղաթիւք սպան, եւ զմերձակայ գազանն նշանաւ խաչին սալակեաց»: Ինչ վերաբերում

⁸ J. P. Migne, Ελληνική Πατρολογία, τ. 115, Αθήναι 1994, էջ 673.

⁹ Ματθαῖος Λάγγη, Ο Μέγας Συναξαριστής της Ορθόδοξου Εκκλησίας, τ. Θ', Αθήναι, 1995, էջ 258.

Է Մեղափրաստեսի փառքերակին, ապա համաձայն նրա, վանքին մոտ մի լիճ կար, որից մարդիկ ջուր էին փանում: Սակայն այնպեղ հայտնված մարդակեր կոկորդիլոսը ուրում էր թե՛ լճից ջուր փանելու եկած մարդկանց, թե՛ կենդանիներին, նույնիսկ Գրիգոր եպարքոսը զինվորներ է դնում լճի մերձակայքում՝ մարդկանց պաշտպանության համար: Վանքի վանահայրն իմանալով այդ մասին՝ մտածում է, որ Աստուծոց փրկած իր շնորհով և հրաշք գործելու գործությամբ միայն Թեոդորան է ի գործու վերացնել այդ գազանին: Այդ պարճառով նա սափոր է փալիս Թեոդորային և ուղարկում լճից ջուր բերելու: Երբ նա մոտենում է լճին՝ Տիրոջ հրաշքով կոկորդիլոսը նրան դնում է իր մեջքին և փանում լճի խորքից ջուր վերցնելու, ապա նրան կրկին ցամաք է բերում: Ցամաք դուրս գալուն պես Թեոդորան աղոթքով սպանում է գազանին և մարդկանց ազատում վրանգից:

գ) Նաջորդ հրաշքն ամբողջովին փառքերվում է հունական փառքերակից: Այսպեղ Նոսիսի Կ. Պոլսեցին խոսում է առյուծի բերանից մի մարդու փրկելու, բժշկելու և գազանին սպանելու մասին՝ «և գայր մի ի բերանոյ առիւծոյ բանին Աստուծոյ յափշտակեաց, և ձեռն դնելով զգիշարեալ անդամսն ողջացոյց, և գազանն սափակեցաւ»:

Սիմեոն Մեղափրաստեսը և նրանից ազդված վերոհիշյալ հունական Նայսմավուրբը բոլորովին այլ փառքերակ են ներկայացնում:

Վանականներից ոմանք նախանձելով սուրբ Թեոդորայի հրեշտակակրոն վարքին և նրան ուղղված դավաբանքներին՝ որոգայթ են լարում նրա դեմ: Վանահորից գաղտնի մի նամակ են փալիս նրան, որ փանի անապարի խորքում ճգնող ինչոր մեկին, վստահ լինելով, որ անձայրածիր անապարում նա վայրի գազանների կամ թունավոր գեռունների գոհ կդառնա: Վանականների մտադրությունից անպեղյակ Թեոդորան համաձայնում է և անապարի խորքն ուղղվում: Վանքից դուրս գալով՝ նա կորցնում է ճանապարհը և չի իմանում, թե ո՞ր կողմը գնա: Նանկարծ այնպեղ մի վայրի գազան է հայտնվում, որը դառնում է նրա ուղեկիցը և առաջնորդում մինչև նամակի հասցեատիրոջ խուցը: Այնուհետև կենդանին սպասելով դրսում Թեոդորային նաև վերադարձի ողջ ճանապարհին է ուղեկցում: Երբ սուրբը հասնում է վանք և գնում է պարասխան նամակը վանահորը հանձնելու, վայրի գազանը հարձակվում է դոնապահին հոշոտելու և իր սուր ճանկերը խրում նրա մարմնի մեջ: Բարձրացած աղմուկի վրա դուրս են վազում վանական եղբայրները, սակայն բացի Թեոդորայից ոչ ոք չի համարձակվում մոտենալ նրանց: Սուրբը մոտենում, գազանի երախից փրկում է դոնապահին և Տիրոջ անունով սպանում գազանին: Այնուհետև նա յուղով օծում է դոնապահի վիրավոր անդամները և փրկում նրան: Սուրբ Թեոդորան չէր ցանկանում, որ իր կատարածի մասին եղբայրներն իմանան, սակայն արդեն առավոտյան բոլորը, ինչպես նաև վանահայրը փրկեկանում են, որ նա մահվան վրանգից փրկել է մարդուն և սպանել գազանին:

Անշուշտ այս պատմությանը հետևում է նաև սուրբ Թեոդորայի ու վանահոր միջև փրկի ունեցող գրույցը, որը հարկ չկա ներկայացնելու:

դ) Նաջորդ փառքերությունը վերաբերում է Իննականյա վանքում փրկի ունեցած դեպքին,

որպեղ սուրբ Թեոդորան գիշերը ուղարկի հեպ իջևանում է: Նախ վանքի անվանման կապակցությամբ ասենք, որ Միմնունը եւս այն անվանում է Իննակնյա (Ένάτου), իսկ «Ο Μέγας Συναξαριστής της Ορθόδοξου Εκκλησίας»¹⁰ ում նշվում է, որ վանքի անունը Մոնիդրիոն (Μονύδριον) է եւ Իննակնյա է կոչվում, որովհետեւ գտնվում է Ալեքսանդրայից ինը վերստ հեռու: Այն ժամանակ նրանք ունեցել են հետավորության չափման իրենց միավորը, որի թվերով էլ համարակալվել են ճանապարհների միջեւ ընկած քարածությունները: Նույնը նաեւ Ութուրասնեկի վանքի պարագային: Ինչ վերաբերում է ըստ Հովսեփ Կ. Պոլսեցու վանահոր աղջկա կողմից Թեոդորայի գրադարության պարմությանը, ապա Մեքափրասպեսը նշում է, որ նա ոչ թե վանահոր աղջիկն էր, այլ՝ վանքում ապրող վանականներից մեկի բարեկամուհին: Ի դեպ այս վարքի բուն թեման համարվող սույն պարմությունը հունական վերը նշված երեք հայտնավորքներից միայն Մաքսիմոս Մարգունիտոս ու Synaxarium Eccl. Constantinopolitanae ու են, որ շարք համառոտ, բայց ինչ-որ չափով խոսում է այս մասին, իսկ Վասիլիոսի մոտ միայն մեկ նախադասությամբ նշվում է, որ սուրբ Թեոդորան սապրանայի կողմից բազում փորձությունների եւ քառապանքների է ենթարկվել:

Բացի հայտնավորքային նյութի որոշակի քարքերություններից, համեմատության ժամանակ հանդիպում ենք նաեւ բովանդակության հերթականության խախտման: Այսպես, Հովսեփ Կ. Պոլսեցու բնագրում սուրբ Թեոդորային վանքից երեխայի հեպ միասին արքաբանան հաղթածից հետո սկսում է նրա հովիվների մոտ գնալու եւ նրանց ոչխարների կաթով երեխային կերակրելու պարբերությունը, ապա մեկ պարբերություն պարմում է սապրանայի հայտնվելու եւ նրան փորձության ենթարկելու հաղթածը: Հետո դարձյալ վերադառնում է խիստ ճգնության արդյունքում Թեոդորայի բույսերով ու ծովի ջրով սնվելու եւ արքաբին քրեքի խիստ փոփոխության մասին պարբերությանը, որին դարձյալ հետևում են սապրանայի փորձությունները:

Ի պարբերություն Հովսեփ Կ. Պոլսեցու, Մեքափրասպեսը նույն նյութը շարադրում է հերթականությամբ, այսինքն սկզբում երեխային կաթով կերակրելու համար հովիվների մոտ գնալու մասին, ապա նրա բույսերով, բայց ոչ թե ծովի, այլ լճի ջրով սնվելու եւ խիստ ճգնությունից նրա արքաբին քրեքի փոփոխության, որից հետո արդեն հերթականությամբ սապրանայի փորձությունների մասին:

Այսպիսով, դարելով սուրբ Թեոդորայի վարքի հայկական եւ հունական հայտնավորքային բնագրերի համեմատությունից՝ կարող ենք պնդել, որ չնայած երկու բնագրերի ընդհանուր նմանությանը, Հովսեփ Կ. Պոլսեցին օգտվել է նաեւ մեկ այլ աղբյուրից՝ հետևելով քվյալ ժամանակաշրջանի հայտնավորքային կոստանդինուպոլսյան ավանդությանը: Անշուշտ, այս փաստի արձանագրմանը մեզ համար հիմք են հանդիսացել ոչ միայն սուրբ Թեոդորայի վարքում, այլ նաեւ սուրբ Հովհաննես Պանեցողի վարքի (սեպտեմբերի 2), սուրբ Անաստասիոս (հունվարի 22) Պարսիկի վկայաբանության մեջ հանդիպող էական փաստերը:

¹⁰ Տե՛ս անդ, էջ 260-261: